

四庫全書

史部

欽定四庫全書

史部

欽定盛京通志卷八十九至九十三

少詹事^臣曹城覆勘

總校官編修^臣朱鈴

欽定四庫全書

欽定盛京通志卷八十九

隱逸

漢

晉

遼

金

明

國朝

欽定四庫全書

欽定盛京通志卷八十九

隱逸

臣等謹按遼潘多名山大川自古隱逸之士恒

輻跡焉漢李敏晉公孫永其著也遼金以還亦
時有抱瓊材蘊積學潛德而不耀者採其軼事
發其幽光謹志隱逸第二十八

欽定四庫全書

禮記

卷八十九

欽定四庫全書

欽定盛京通志卷八十九

隱逸

漢

李敏襄平人河內太守去官還里公孫度欲用之
敏惡度所為恐見害乃將家屬浮于海莫知所終

晉

公孫永字子陽襄平人幼好學恬虛孤棲平郭南

山非身壑殖不食吟咏岩間欣然自得年九十餘
操尚如一慕容暉徵之不屈王公以下造之皆不
與言雖經隆冬盛暑端然自若後苻堅亦以禮
遣使致問未至而永卒堅深悼之謚曰崇虛先生
遼

蕭扎拉字實內北府宰相巴雅爾之弟不事生產
淡泊自如統和末召為南京兵馬都指揮使以疾
求退不許遷伊勒希巴又以疾辭許之遂入頤山

杜門不出親友或過之終日言不及世務耶律資

忠目之曰頡山老人

蒙古語北拉帽纓也原作扎刺實訥解見名宦卷原作虛

輦巴雅爾蒙古語解見名宦卷原作排押伊勒希巴解見人物卷原作夷禹畢今俱譯改

耶律官努字希隱沈厚多學自言愚鈍不任官重

熙中加歸義軍節度使輒請致仕官努與蕭幹友

善幹謂官努曰仕不能致主澤民成大功業何屑

屑為也吾與若居林下以枕簟自隨觴詠自樂雖

不官無憾焉官努然之時稱三逸

官努原作官奴幹原作哇今譯

改

蕭普爾普字綏蘭父母早喪鞠於祖父烏爾古納
性孝悌年十三烏爾古納卒自以早失怙恃復遭
祖喪哀毀踰禮族里嘉歎嘗謂人曰我於親不得
終養今雖莫為訓者苟不自勉何以報鞠育恩自
是力學於文藝無不精乾隆間以烏爾古納之故
召之不應常與親識游獵山水奉養無長物僕隸
欣欣如也或曰公胡不念以嗣先世功名答曰自

度不足以繼先業年踰強仕安能益主庇民累徵
皆以疾辭晚年謝絕人事隱居自得潛心佛書延
有道者談論彌日人間所得何如但曰有深樂惟
覺六鑿不相攘餘無知者

唐古特語普爾普祥也原作蒲嵩不經蘭解見

忠節惠原作接懶烏爾古納蒙古語滋生也原作兀古匿今俱譯改

金

李經字天英錦州人作詩極刻苦能為奇語不蹈
襲前人李純甫見其詩曰真今世太白也再舉不

第拂衣去歸隱於鄉南渡後其鄉帥有表至朝廷
士大夫識之曰此天英筆也朝命使倅本州竟去
不知所終劉祁歸潛志云天英少有異才入太學
肄業李屏山見其詩盛稱諸公間其為詩妙處人
莫能及號無塵道人夜雨詩云燈火萬家夜蕭蕭
簾外聲晚望云夕陽萬里眼人立秋黃中夜起云
夜半不得月河漢空星辰又步雲意云一片崑崙
心夕陽小煙樹又四言云老峰覺雲壁立挽秀林

陰灑雨蒼蒼玉闕虛明滿鏡夜氣成畫皆隱淪語也

高仲振字正之遼陽人以家業付其兄挈妻子入嵩山博極羣書尤深於易及皇極經世書隱居山中安貧自樂不涉城市山野之人亦知敬之常與弟子張潛王汝梅行山谷間人望之翩翩如神仙或曰仲振嘗遇異人教以養生術終日默坐骨節戛戛有聲所談皆世外事云

按張潛王汝梅金史皆入隱逸傳

明

賀士諂欽之子欽於晚年即隱居醫巫閭山下士
諂性通敏博極羣書領弘治壬子鄉薦抱道自娛
絕意仕進陳白沙見而稱之既領鄉薦不求仕進
後都御史張文錦薦其才應詔陳務實學存敬慎
謹細微親賢遠邪十二事不報即辭歸隱居終身

國朝

朱國梓前屯衛人貢於鄉崇禎時徵任兵部主事

不就清介周慎陞永平道值流賊李自成之難國
梓時居海濱與衆舉義共請

大兵入關破流寇旋奉母隱石門寨山中終身嘯歌布衣自樂

陳景元奉天人號石閭甘老布衣恥言名利閩中
雷鉉有五布衣詩石閭居其一

欽定盛京通志卷八十九

欽定四庫全書

欽定盛京通志卷九十

流寓

漢

晉

前燕

附

北魏

唐

五代晉

宋

元

明

國朝

欽定四庫全書

欽定盛京通志卷九十

流寓

臣等謹按東漢管寧與邴原王烈避地遼東挹其遺蹟者至今為美談而攷諸志乘則西漢王仲逢萌實為稱首蓋遼東風俗醇美擇地之士恒樂依之自是以來流寓於此者或以功名或以節介或以儒學雖所操不同要其風薇可愛

慕則一也謹志流寓第二十九

欽定四庫全書

欽定盛京通志卷九十

流寓

漢

王仲瑯瑯人好道術明天文諸呂作亂齊哀王襄
謀舉兵數問於仲及濟北王興居反欲刦仲為將
仲懼禍及浮海東奔樂浪山中因家焉七世孫閔
八世孫景並見人物志

逢萌字子慶北海都昌人家貧為亭長擲楯歎曰
大丈夫安能為人役哉遂去學於長安通春秋平
帝時見王莽殺何武鮑宣等數百人及其子宇謂
友曰三綱絕矣不去禍將及人即解冠挂東都城
門將家屬浮海客於遼東光武即位始還鄉至瑯
琊勞山屢徵不起

管寧字幼安北海朱虛人漢末寇亂與邴原王烈
避地遼東公孫度虛館以候之寧見度語惟經典

不及世事退居岩谷因山為廬鑿坯為室越海避
難者依之旬月成邑遂講詩書陳俎豆飭威儀明
禮讓非學者不見由是度安其賢民化其德寧所
居屯落汲者男女雜沓或爭井相關寧乃密置器
井傍以待汲者鄰有牛暴寧田寧為牽著涼處自
為飲食過於牛主牛主大慚由是禮讓行於海表
常坐一木榻積五十餘年末嘗箕股當膝處皆穿
又常著皂帽終不更易度子康欲官寧以自輔終

不敢言其敬憚如此及魏文帝禪位徵寧還是時
公孫康死嫡子不立而立弟恭寧曰廢嫡立庶人
有異心亂之所由起也乃將家屬浮海其後淵果
奪恭位僭稱王為司馬懿所滅遼東大亂卒如寧
言寧之歸也海中遇暴風船將溺舟中慮有過惡
者請自禱于神寧曰吾自省生平惟有一日不冠
三朝晏起而已此外無小失道無所禱也言方竟
夜風晦明船人忽望見火光輒趨之得島島無居

人亦無火燼咸以為神光之助寧船自若風止而
渡初寧在遼東度父子有所資遺皆受而藏焉及
西渡盡封還之既至屢徵不起年八十四卒

王烈字彥方平原人以義行稱鄉里有盜牛者主得之
盜曰刑戮自甘乞勿使王彥方知也董卓之亂避
地遼東躬秉農器布衣蔬食東域之人奉之若君
太守公孫度接以昆弟之禮欲屈以官烈乃為商
賈自穢得免後曹操聞烈名徵之終不至建安二

十四年時年七十八終于遼東

酈原字根矩少與管寧同里並以操尚著稱黃巾起原將家屬浮海遂至遼東時同郡劉政有勇畧公孫度欲殺之盡捕其家原以政付太史慈使護歸里既而謂度曰將軍前欲殺劉政以其為已害也今政已去君之害除矣度曰然原曰君之畏政者以其有智也今政已免智將用矣不若並赦政家無重怨也度乃出之原又資送政家還郡居一

年歸原者數百家教授之聲不絕原性剛直常以清議格物公孫度以下不能安管寧以言非其時皆招禍之道密遣原西還原行數日度方覺歎曰邴君所謂雲中之鶴非鶻鷃之網所能羅矣

國淵字子尼樂安人師鄭康成後與邴原管寧等避亂遼東淵薦學好古嘗講學于山巖士人多推

崇之由此知名

按邴原國淵後皆仕魏而其流寓遼時則猶漢時也故仍繫之漢

涼茂字伯方山陽昌邑人少好學議論常據經典

以決是非官樂浪太守公孫度在遼東留茂不遣之官而茂終不為屈尋徵還復為魏郡太守

太史慈字子義黃縣人猿臂善射少好學為郡奏曹史因避仇之遼東孔融聞其名數餽其母及融為黃巾管亥圍於都昌慈適從遼東還奉母命之都昌復突圍往平原說劉備求兵為融攻黃巾破之

晉

趙至字景真代郡人年十四入太學過嵇康寫石

經徘徊不能去為康所知又與康子蕃友善及向
遼西占戶乃與蕃書叙別陳志操文辭甚美後舉
郡計吏到洛至父欲其宦立仍遣歸遼西幽州三
辟部從事斷九獄見稱精密

盧諶范陽人建興末隨劉琨投段匹磾後琨為匹
磾所害諶復投段末波於遼西元帝初末波通使
江表諶因其使抗表理琨寃晉累徵諶為中書侍
郎而未波留之不遣後石季龍破遼西用為國子

監祭酒侍中諶恒以為辱每謂其子曰吾歿後但稱晉司空從事中郎爾撰祭法注莊子及文集皆行於世

高瞻字子前渤海蓆人少而英爽有俊才光熙中調補尚書郎永嘉之亂北徙幽州既而隨崔毖及毖謀伐慕容廆瞻固諫不從毖敗廆署瞻為將軍瞻稱疾不起廆敬其姿品數臨候之仍辭以疾篤廆不平遂以憂卒

前燕

附

游遂廣平人與逢羨宋奭皆嘗為昌黎太守時晉
室衰亂初避地於薊後徙寓遼東仕廐為龍驤長
史創定朝儀

裴開字士先河東聞喜人與其叔嶷同歸慕容廆
開才畧深遠仕至軍諮祭酒

皇甫岌安定朝那人與弟真俱寓遼東廐皆擢用
之並以文章才儁任居樞要

封奕字子專渤海蓆人祖釋仕晉為東夷校尉後
釋卒奕在遼東慕容廆召與語悅之曰奇士也嗣
釋子恢及抽咸來奔喪廆一見皆留之以恢為叅
軍抽為長史復以奕為軍諮祭酒掌軍國機要奕
為人喜怒不形政務之暇留心講論接引後進如
若不及後仕跳屢立戰功位至相國封武平侯
宋該字宏宣平原人與同郡劉翔杜群先依王浚
又依段氏皆以為不足託率諸流寓同歸於廆仕

右長史

朱左車會稽人胡母翼太山人皆流寓遼東以舊
德清重慕容廆引為師友

劉瓚字彥真平原人經學該通性甚清真受業者
常數百餘人寓遼東慕容廆重其學引為東庠祭
酒慕容皝帥國曹束脩受業焉

逢羨北海人與北平西方度蘭陵繆愷同時並寓
遼東慕容廆引羨與度俱為謀主愷以文章才俊

職任樞要

北魏

陸希道字洪度鉅鹿郡公獻之子也魏孝文時獻
坐穆泰事賜死妻子徙遼西希道歷覽經史頗有
文致及後召還累遷前將軍郢州刺史善於撫邊
甚有威畧

唐

蔣儼義興人擢明經為兵曹參軍太宗伐高麗募

為使者人皆憚行儼獨奮然言曰天子雄武四海
畏威最爾國敢圖王人有如不幸固吾死所也遂
請往及至為莫支離所困以兵脅之不屈納之士
室中及高麗平乃歸帝奇其節授朝散大夫

五代晉

張礪為翰林學士石晉末隨晉帝遷於契丹遠主
德光重其文學仍以為學士礪逃歸為追者所得
德光責通事高唐英等曰吾戒爾等善待此人致

其逃去過在爾也待礪如故

胡嶠同州郃陽令石晉末陷遼為蕭翰掌書記居

福州著陷蕃記凡所經行記之甚悉宋歐陽修作

五代史多採之

按福州遠上京名在原
州北舊志作復州誤

馬允卿石晉時為青州刺史遼太祖兵至堅守不

降城破被執太祖義而釋之徙其家於鑿巫閭允

卿以詩禮世其家四世孫人望登進士為遼名臣

宋

洪皓字光弼鄱陽人仕宋使於金被拘不屈將殺之有為跪請者後流於冷山距會寧府二百里四月草生八月已雪金陳王烏舍聚落在焉烏舍知皓賢延使教其子復偕之入燕得聞徽欽居五國城密遣人奏書獻桃栗梨麪凡留金十五年紹興中和議成乃得偕張邵朱弁南歸後金使至必問皓為何官居何地其見重如此初皓留金時以教授自給因無紙則取樺葉寫論語孟子大學中庸

傳之時謂之梓葉四書所著詩文金人鐫行之

國語烏舍皮條也原

作悟室
今譯改

張邵字才彥烏江人登宣和上第詔求可使北朝者邵慨然請行金人先拘之燕山僧寺復徙之會寧府邵卒不屈節和議成乃遣南歸官祕閣修撰卒贈少師

元

王珪字樂人工詩文尤長於康節經世之學流寓

遼東至大改元瀋陽王引見奏堽充說書從王使
高麗還陳便利三十餘事

陳韶孫廣州番禺人父劉以罪流肇州韶孫年十
歲朝夕號泣願從父俱行道過遼陽平章達春見
而憫焉欲復送韶孫還鄉韶孫曰既不能以身代
父當死生相隨歸非所願也達春驚異厚賚之大
德六年劉死韶孫哭盡哀見者皆為泣下肇州萬
戶府以聞命遣還鄉里仍旌異之

達春國語解見
名宦卷原作塔

出今
譯改

明

陳循字德遵泰和人永樂乙未廷試第一歷仕四
朝官大學士景泰時功在社稷為徐有貞所忌石
亨迎駕譖殺王文于謙並戍循鐵嶺衛亨敗乃釋
歸田里

辛浩字養正江夏人歷官監察御史彈劾不避權
勢謫居遼陽乃選教將卒子弟多所成就天順中

始復官

閻寬字德原樂安人官監察御史彈劾無少避為
錦衣指揮馬順所忌以事中傷之謫居鐵嶺遂家
焉

張鵬字騰霄涑水人官御史立朝蹇諤持大節天
順初為石亨所構左遷戍遼東亨敗乃復官還京
仕至兵部尚書

劉玘字求素安福人官刑部員外有胡指揮某因

妻姦謀殺人玘論如法其人素附權幸改讞於錦
衣衛坐玘以故入罪謫戍遼陽玘在遼東五年日
以文章自抒寫題其集曰養晦後卒於遼

胡世寧字永清仁和人累官江西副使以論宸濠
不法謫戍瀋陽寄居廣寧三年學者宗之及宸濠
敗世寧起官至太子太保兵部尚書卒謚端敏

劉琦字廷珍洛川人官兵科給事中時妖人李福
達罪當死權貴鄒勛庇之琦抗疏陳其顛末上怒

謫戍瀋陽衛琦在瀋陽十餘年講學不輟上每曰
劉琦嘗進讜言蓋已悟其直矣後遇赦召還京

王儼字民望華容人歷官侍郎正德間求直言儼
首論鹽法芻粟悉為貴戚宦官侵壞劉瑾銜之誣
以他事繫獄煅煉無所得瑾又使人諷儼附己不
聽矯詔謫戍遼東儼居遼陽瑾誅乃還嘉靖初賜
存問年八十有八乃卒

黃正色字士尚無錫人歷官南臺御史時巨璫鮑

忠護太后梓宮葬承天怙寵黷貨正色陳其罪忠
等誣正色于梓宮前騎馬張扇遣戍遼左正色荷
戈就道隆慶初復原官召還遷南京太僕卿卒祀
遼陽三忠祠

徐文華字用光四川嘉定人仕至監察御史嘉靖
間以誣獄編戍遼陽文華有節操工詩文與給事
中安磐侍御程啟充給事中彭實以吟咏為事日
相唱和無憂戚容後召還卒隆慶初贈僉都御史

夏良勝江西南城人官太常寺少卿嘉靖時以議
大禮謫戍三萬衛後終於寧遠

國朝

沈文奎浙江會稽人隸鑲白旗漢軍年二十以諸
生游遵化天聰三年

大兵下遵化文奎謁貝勒豪格遂攜歸瀋陽因家焉

大宗命直文館崇德元年

特旨甄別內院人員分為四等文奎名列一等第二擢授

弘文院學士順治元年從入闕歷官保定巡撫淮揚漕運總督有政績祀名宦祠詳浙江通志

苗君稷昌平人明季諸生遭時多難隸籍黃冠喜讀儒書究心史學至老不倦居

盛京之三官廟翰林高士奇稱其有隱者之風

郝浴字雪海山東定州人順治己丑進士任四川巡按守保寧城時巨寇劉文繡等踞滇黔吳三桂握重兵屯保寧久無功浴至決策破賊有安蜀功

因劾吳三桂跋扈狀三桂銜之譖以他事降調謫
戍鐵嶺讀書講學無間寒暑註周易解士人宗之
稱為復陽先生

聖祖幸奉天浴跪迎道左具述按蜀始末

聖祖為之傾聽慰勞良久十四年

特旨取還錄用浴留其居為銀岡書院後仕至廣西巡撫

崇祀名宦

欽定盛京通志卷九十

欽定四庫全書

欽定盛京通志卷九十一

方伎

漢

北魏

遼

金

元

欽定四庫全書

國朝

欽定盛京通志
卷九十

欽定四庫全書

欽定盛京通志卷九十一

方伎

臣等謹案司馬遷作扁鵲倉公日者龜策諸傳以述方伎史家沿以為例而志地理者因之遼之方伎自漢殷雋以下十有三人至其生平別有表見藝術雖精仍列諸人物不以方伎概焉

謹志方伎第二十

欽定四庫全書

欽定四庫全書
卷九十一

欽定四庫全書

欽定盛京通志卷九十一

方伎

漢

殷馘遼東人精天文桓帝時有黃星見於楚宋之分馘言後五十歲當有真人起於梁沛間其鋒不可當及魏武破袁紹冀州諸郡多舉城降正五十年而大業以成實應此占焉

南北朝魏

晁崇字子業襄平人家世史官善天文術數先事慕容垂後為魏道武所獲拜大史令詔崇造渾天儀天興五年月暈左角崇奏占為角蟲灾道武既克姚平於柴壁命諸軍焚車而反牛果大疫是歲麋鹿亦多死

閔宗遼東人善占候高颺時居東裔生孝文昭皇后幼時恒夢在堂內立而日光自牕中照之灼灼

而熱避之不得如是數夕以白父其颺颺以問宗
宗曰此奇徵也日者君人之德帝王之象光照女
身必有恩命及之避猶照者主上來求女不獲已
也此女必將被帝命誕育人君後果入掖庭生世

宗

遼

蕭達魯太和宮分人素精於醫人有疾觀其形色
即知病原所在由是世為醫官其孫呼都克尤精

於騎射

達魯蒙古古語解見名宦卷原作敵魯呼都克蒙古語解見黑龍江山川卷原作胡篤今

俱譯改

耶律達勒達字海蘭善馳射尤神於醫視人疾若

隔紗覩物莫不見太祖患心痛問之對曰膏肓有

淤血如彈丸非藥所及必針而後愈從之嘔出淤

血遂愈

達勒達解見建置沿革卷原作迭里特海蘭解見建置沿革卷原作海鄰今俱譯改

耶律達魯精醫能察形色即知病原雖不診候有

十全功官至節度使樞密耶律色珍妻有沈疴達

魯視之曰胸有畜熱非藥石所及當以意療聒使
狂以泄其毒則可於是大擊鉦鼓於前果狂怒叫
罵力竭而愈其治法類如此

達魯解見前註原作敵
魯色珍解見人物卷

原作斜軫
今俱譯改

呼拉布善卜嘗為耶律庶成卜曰官至林牙因妻
獲罪後庶成官至林牙果為妻呼都克所誣奪官
使吐蕃十二年清寧間始歸仍為林牙悉如所占

國語呼拉布令其呼喚
也原作胡呂不今譯改

耶律伊伯格勒幼好學尤精堪輿卜筮不樂仕進
每為人擇墓地有卜葬地者曰後三日有牛乘人
逐牛過者即啟土至期果有一人負乳犢引犝牛
而過其人曰所謂牛乘人者此也遂啟土既葬吉
凶盡如其言嘗為失鷹者占曰在汝家東北三十

里樂西榆上求之果得

蒙古語布伯格勒保佑
也原作乙不哥今譯改

耶律鈕幹哩字海陵六院部族人風神爽秀工於
畫重熙間累遷同知點檢司事鈕幹哩善畫嘗寫

聖宗真以獻名拜同知南院宣徽事使宋賀正
寫宋主容以歸清寧間復使宋宋主賜宴瓶花隔面
未得其真陛辭僅一視及境以像示餞者駭其神
妙

鈕幹哩國語解見吉林山
川卷原作裏履今擇改

謹案舊志以耶律托色善畫列入方伎今考遼
史本傳托色屢敗宋兵功業懋著未可僅以方
伎談者舊志特據其繪宋人戰仆狀一節列入
方伎未為允協今移入本志人物卷而仍附識

其善繪事於卷

金

穆延薩克達臨潢路人襲穆昆攻宋屢立戰功形
不過中人而拳勇善鬪所用槍長二丈軍中號為
長槍副統又工用手箭箭長不盈握每用百數散
置鎗中遇敵抽箭以鞭揮之或以指鉗取飛擲數
矢齊發無不中敵以為神其箭皆以智創雖子弟
亦不能傳其法

穆延薩克達穆延八旗姓國語薩克達老也原作抹撚史訛搭今譯

改

王曼慶

一作萬慶

字禧伯庭筠子仕至行省左司郎中

號澹游善墨竹樹石絕佳亦能山水

謹案金史志布薩忠義精古算法宗雄蹻捷善

射稱絕伎赫舍哩良弼善占候以日色之旦暮

色赤占高麗夏國之難有奇驗皆可謂神乎伎

術獨擅神明之用者然考金史三人本傳皆位

兼將相事業功名為一代偉人未可僅以方伎

該之故悉載入本志人物門而備識其藝術於

卷

元

持嘉君實女真人善畫竹學劉自然頗有意趣見

畫史會要

持嘉八旗姓原作亦蓋今譯改

持嘉希魯肅慎貴族讀書善繪事工墨菊筆間有新意尤精於鼓琴

國朝

墨爾根綽爾濟蒙古人精醫術

國初天命年間率先歸附時有正白旗先鋒鄂碩與敵戰中流矢命在須臾間綽爾濟為拔鏃傳以藥遂愈又都統武拜交戰時身被三十餘矢已昏絕綽爾濟令剖白駝腹置拜其中遂甦又黃冠苗君稷之徒有屈臂不得信者綽爾濟令先以熱鑊熏蒸然後用斧椎其骨揉之有聲即愈其餘所效多不可舉時以比華陀云

欽定盛京通志卷九十一

欽定四庫全書

欽定盛京通志卷九十二

仙釋

後漢

金

元

明

國朝

欽定四庫全書

欽定盛京通志卷九十二

仙釋

臣等謹案隋虞綽銘遼比之蓬瀛仙都明文貴亦稱為招提勝境以故前代頗傳有仙釋之蹟雖其事或涉俶詭然魏收志釋老范蔚宗傳方術仙釋之志亦纂述所不廢也謹志仙釋第三

十一

欽定四庫全書

欽定盛京通志卷九十二

仙釋

後漢

丁令威遼東人學道於太平府靈波山後化鶴來
集於遼陽華表柱歌曰有鳥有鳥丁令威去家千
載今來歸城郭如故人民非何不學仙塚纍纍又
搜神記云遼東城門有華表柱忽有一白鶴集柱

頭時有少年舉弓欲射之鶴乃飛去徘徊空中而
言如是遂高上冲天今遼東諸丁氏云其先世有
升仙者不知名字

帛和字仲理遼東海州人初入地肺山師事董奉
入到西城山事王君王君與和大道訣曰往北山
石室中熟視北壁當見壁有文字則得道矣仲理
視壁三年乃見文字後入林慮山為地仙相傳謂
既成神丹作金以濟窮民云

按水經注神仙傳等
書皆作帛仲理晉時

有帛道猷帛本古姓舊志誤作
白仲理林慮山或作徐無山

金

王子可字南雲遼西人父本軍校南雲亦常預籍
年三十大病後忽發狂能把筆作詩文及說世外
恍惚事南渡後游上蔡為人軀幹雄偉貌亦奇古
戴青葛巾項後垂雙帶狀若牛耳一金縷環在項
額之間兩頰以青涅之指為翠靨衣長不能掩脛
故時有哨腿王之目落魄嗜酒每入城市人爭以

酒食遺之夜宿土室中人或問以故事其應如響
諸所引書皆世所無有烹茶詩云簾捲綠陰花外
月玉山水雪醉扶翁凌霄花詩云啼鳥倒啣金羽
舞驚蛇斜傍玉簾飛張伯玉與之游最狎壬辰兵
亂有軍將欲挈之北歸館於州之瑞雲觀南雲明
日見將領自言云我不能住君家瑞雲觀也越三
日卒後有見之淮上者見大金國志

按元好問中
州集劉祁歸

潛志又稱王予
可係河東人

王元粹字子正平州人系出遼世衣冠年十八九
作詩有高趣性習專固世事不以累其業流寓襄
陽遭亂隻身北歸寄食燕中遂為黃冠主太極道
院其卒也淄川楊叔能挽之有五言造平淡隻影
臥黃昏之句

元

劉秉忠本瑞州人

按瑞州今廣寧縣境

因曾祖官邢州徙家

焉初名侃字仲晦少補邢臺節度使令史慨然投

筆去隱武安山中遂從浮屠法更名子聰後游雲
中留居南堂寺世祖在潛邸時海雲禪師被召過
雲中聞其博學多材藝邀與俱入見應對稱旨屢
承顧問秉忠於書無所不讀尤邃於易及邵氏經
世書至於天文地理律歷三式六壬遁甲之屬無
不精通世祖正大位一時規模制作皆所草定賜
第奉先坊拜光祿大夫太保參領中書省事至元
十一年扈從至上都築精舍於南屏山居之秋八

月無疾端坐而逝

按劉秉忠在元既以勲名顯貴位至師保本不當以釋目之然

其始也寄跡禪林其沒也亦以禪脫是終始以禪悅者也故仍志之仙釋

明

張三丰遼東懿州人名全一名君寶三丰其號也生有異質龜形鶴骨大耳圓目鬚髯如戟以其不飾邊幅又號張邈邈洪武初入武當山修煉寒暑惟一衲一蓑或處窮寂或游市井或數日一食或數月不食浩浩自得書經目不忘有問之者終

日不答若與論三教經書則吐辭滾滾皆本道德
忠孝行則一日千里靜則瞑目旬日太祖聞其名
嘗遣三山道士訪之不至其在揚州咏瓊花詩云
瓊枝玉樹屬仙家未識人間有此花清致不沾凡
雨露高標猶帶古烟霞歷年既久何曾老舉世無
雙莫浪誇便欲載回天上去擬從博望借靈槎蓋
自況也既而羽化於甘州張指揮園中復屢見他
處或言三丰金時人元初與劉秉忠同師後學道

於鹿邑之太清宮說鈴云今西域入貢者猶見為
台吉供養云然皆不可考

黃花老人不知所從來天順中居蓋州山寺有道
術修煉數年一旦鶴來即乘之以去後人因名其
地為伴仙山

馬真一河南人年百餘歲矣明季居廣寧之北鎮
廟中採蘑菇拾野果為食會廣寧大旱經畧袁崇
煥使禱雨立應後去之山海關與士人談經論藝

剖決如流為人言休咎率奇驗後不知所終

連姓僧蓋平人成化間約百歲不計飢飽每與羣
兒戲於市歲旱祈雨輒應將死先以時日告人後
有人自南來者遇之於途計其日即僧死之次日
雪庵居千山香巖寺生有異質歿有舍利其葬處
至今呼為雪庵塔

行榮遼陽人精通禪理經史子集無不究覽尤深
於詩律編註大藏釋音寶鏡凡十卷辛苦三十年

始成

馬禪居遼陽清風寺相貌奇古每夜環走首山喃
喃三匝東方始白今寺中塑像在焉

國朝

古林湖廣長沙人朱氏子既而為僧居奉天諸刹
康熙乙亥十月忽延僧俗至囑以後事夜半歸方
丈留偈端坐而逝衆用僧法荼毘之現金色毘盧
像從辰至午衣文數珠儼然可辨古林說法時有

一顛僧相往來古林甚敬之人問其故古林曰此人行甚深吾不及也後此僧至村堡中覓車輪一具端坐輪上須臾火發與輪俱化至今相傳為異碧庵幼不如輩出家居保安寺能前知茶毘日火光中現觀音大士像及樓閣獅象種種異境人咸異之

顛僧廣寧人不知姓名頗顛常與羣兒戲或畫兒掌中使拳之放拳則雷聲殷然兒輩往往乞雷以

為笑樂又能煮石為糧或與羣兒食之以為味如
芋也善醫請療者身到即愈後一難產家延之僧
不肯行強之至門而婦遂產僧頂暴裂濃血不止
每悵然曰吾行已壞真冤孽也從此不復至人家
來就醫者或以濃血塗之往往而愈後不知所終

欽定盛京通志卷九十二

欽定四庫全書

欽定盛京通志卷九十三

列女一

唐

遼

金

元

明

欽定四庫全書

欽定盛京通志卷九十三

列女

臣等謹案班固稱遼東之俗女子貞信自古載籍闕如有唐以前傳者絕少遼金代興耶律完顏諸族志節凜然炳於彤史我

國家敦崇風化坊表楔旌之典特有加隆百餘年來八旗氏族以節著者咸足型方式俗伏讀

御製姜女祠望夫石諸篇仰見

聖人彰闡德教風示義烈之至意夫表潛徽而揚芳嫻
劉向所以傳也爰考其卓著者為備詳行事次

亦臚次姓氏於篇謹志列女第三十二

欽定四庫全書

欽定盛京通志卷九十三

列女

唐

李謹行妻劉氏靺鞨人有勇略高宗時謹行擊高麗於發盧河西破之劉氏留伐努城賊攻之劉探甲勒兵以守賊引去以功封燕國夫人

遼

邢簡妻陳氏營州人甫笄涉通經義凡覽詞賦輒
能誦尤好吟詠時以女秀才名之年二十歸簡孝
事舅姑閨門和睦生六子親教以經二子抱璞抱
質皆以賢能致位宰相及陳氏卒贈魯國夫人刻
石以表其行論者謂貞靜柔順婦道母儀始終無
歉云

耶律氏太師舒嚕之妹小字常格操行修潔自誓
不嫁能詩文不苟作讀通歷見前人得失悉能品

藻咸雍間作文述時政上善之耶律伊遜求其詩
常格遺以回文伊遜知其諷已銜之大康三年伊
遜誣廢太子時常格兄舒嚕謫鎮州常格與俱常
布衣蔬食人問曰何自苦若此對曰皇儲無罪遭
廢我輩豈可美食安寢年七十卒於家

舒嚕國語
解見名宦

卷原作適嚕常格原作常哥伊遜蒙
古語解見人物卷原作乙辛今俱譯改

耶律努妻蕭氏小字伊遜國舅駙馬都尉托斯和
女歸努以孝謹聞初努與樞密使伊遜有隙被誣奪

爵流烏古部帝以伊遜公主女欲使絕婚伊遜曰
陛下天地之恩然夫婦之義生死以之臨難頓非
綱常禽獸何異幸陛下哀憐與努俱行妾死無恨
帝從之壽隆初帝嘉其節召舉家還保大中伊遜
在臨漢謂諸子曰吾度盧彥倫必叛汝輩速避我
當死之賊至遇害

耶律努原作耶律奴伊遜原作意
牛蒙古語托斯和屯庄也原作陶

蘇幹今
俱譯改

耶律珠展妻蕭氏小字額哩頁國舅博勒之女

年十八歸珠展未幾珠展卒既葬謂所親曰夫婦之道如陰陽表裏無陽則陰不能立無表則裏無所附妾夫早歲登朝有才不壽夭禍妾身復何倚恃死者可見則相從地下不可見當與俱逝遂自

刃而卒

蒙古語珠展厚也原作未者額哩頁蒙古語解見人物卷原作訛里博勒原作字並

今俱
譯改

耶律中妻蕭氏小字綏蘭韓國惠王四世孫及笄歸中天慶中為賊所執蕭置刃於履誓不受汙至

夜賊遁得免久之帝召中為五院都監中謂妻曰
吾本無宦情今不能免當以死報國汝能從我乎

綏蘭對曰謹奉教及金兵徇嶺西中守節死綏蘭

躍馬突至中所自殺

綏蘭國語解見忠節
卷原作按蘭今譯改

韓慶民妻某氏未詳慶民為宜州節度使金人陷

宜州慶民不屈死之以其妻配將士不從遂自殺

金世宗讀太宗實錄見慶民夫婦事歎曰如此節

操可謂難矣

金

阿林妻薩勒扎金源郡王尼楚赫之妹也天輔六年黃龍府叛卒攻抄旁近部族時阿林從軍薩勒扎集附近男女五百人築柵為保守計賊千餘來攻柵薩勒扎裹糧為甲裂裳為旗男授甲女鼓譟自仗劍督戰三日賊去皇統二年論功封金源郡

夫人大定間以其孫藥師為穆昆

阿林國語解見吉林山川卷原

作阿鄰薩勒扎歧路也原作沙里質尼楚赫國語解見人物卷原作銀木可今俱譯改

李寶信妻王氏寶信為義豐縣令時張覺以平州叛王氏陷賊中賊欲逼室之憤罵不從賊支解之大定十二年贈貞烈縣君

李英妻張氏英初為監察御史在中都張氏居濰州貞祐元年元兵取濰州入其家張氏盡以所有財物與之既而令張氏上馬張曰我盡以財物與汝猶不見贖耶答曰汝品官妻當復為夫人張曰我死則為李氏鬼頓坐不起遂見殺謚莊潔

王維翰妻姚氏維翰大定府人貞祐初維翰節度
定海為元兵所執不降死之妻姚氏亦不屈死謚

貞潔

爪爾佳胡山妻阿爾展宗室承充之女胡山為胡
爾哈明安亡時有衆千餘興定元年承充為上京
元帥上京行省太平執承充應布希萬努阿爾展
治廢壘修器械積芻糧以自守萬努使人招之不
從乃射承充書入城阿爾展碎之曰此詐也萬努

兵急攻之阿爾展衣男子服與其子富德督衆力戰殺數百人生擒十餘人萬努乃解去後復遣將擊萬努兵獲其將十人詔封郡公夫人子富德論

功遷賞

小爾佳胡山原作夾谷胡山阿爾展阿爾蒙古語解見人物卷四展象也原作阿魯

真瑚爾哈見山川卷原作胡里改布希萬努見人物卷原作滿鮮萬努國語富德送也原作滿帶今

俱譯改

薩哈連妻通吉氏平章政事察雅遷嘉努之女自幼勤有禮法及適薩哈連閨門肅若薩哈連為中

京留守元兵圍之疽發背不能軍通吉氏度城必
破謂夫曰公以宗室受國厚恩不幸病不能戰禦
設城不守當率精銳奪門而出攜一子走京師不
能則戰而死猶可報國幸無以我為慮薩哈連出
巡城通吉氏乃取資貨散之家人戒女使曰我死
則扶至榻上以衾覆面四圍舉火焚之無使兵見
吾面言訖閉門遂自經薩哈連從外至家人告以
夫人之死薩哈連撫榻曰夫人不辱我我肯辱朝

廷乎因命焚之年三十有六

薩哈連解見山川卷原作撒合輦通吉八

旗姓原作獨吉還嘉努

原作十家奴今俱譯改

完顏長樂妻富察氏字明秀鄜州帥納紳之女適

長樂哀宗遷歸德將行以長樂為總領將兵扈從

將行屬富察氏曰無他言夫人慎毋辱此身明秀曰

君第致身事主無以妾為念妾必不辱一子在

幼出妻柴氏所生也明秀撫育如已出崔立之變

驅從官妻子於省中俱親閱之富察氏以幼子付

婢僕且與之金幣親具衣棺祭物與訣曰崔立不
道強人妻女兵在城下吾何所逃惟一死不負吾
夫耳汝等善養幼子遂自縊時年二十七

富察八旗姓原

作蒲察納紳國語解見選
舉卷原作訥申今俱譯改

圖們呼圖克們妻烏庫哩氏伯祥之妹適臨洮總
管圖們呼圖克們伯祥朝貴中聲譽藉甚圖們呼
圖克們死王事崔立之變衣冠家婦女多見汚氏
謂家人曰吾夫不辱朝廷我敢辱我兄及我夫乎

即自縊一婢從死於側

圖們八旗姓原作陀滿呼克們原作胡土門蒙古

語解見選舉烏庫哩八旗姓原作烏古倫今俱譯改

參政完顏蘇呼妻亡其姓氏崔立之變謂所親曰

吾夫有天下重名吾肯陷身以辱夫乎今日一死

固當但不可離吾家而死即自縊於室

蘇呼原作素蘭今譯

改

完顏莽格妻溫特赫氏莽格以功世襲穆昆兼奉

御崔立之變莽格義不受辱與妻訣妻曰君能為

國死我不能為君死乎一婢曰主死婢將安歸是

日夫婦以一繩同縊婢從之

莽格原作忙哥溫特
赫八旗姓原作溫特

罕今
譯改

完顏珠爾妻尹氏珠爾系出蕭王天興二年珠爾

從哀宗為南面元帥戰死黃陵岡氏聞取家貲焚

之遂自縊

珠爾解見忠節卷
原作豬兒今譯改

完顏仲德妻族氏未詳崔立之變毀容服攜妾及

二子自汴走蔡蔡被圍丁勇皆棄城拒守妻謂仲

德曰事勢若此丈夫能為國出力婦人獨不能邪
率諸命婦自為一軍親運矢石於城下城中婦女
爭出繼之城破仲德妻自盡

元

耶律瑠格妻約羅氏太祖時人推瑠格為遼王後
納款瑠格卒約羅氏入奏會帝征西域皇太弟承
制以約羅氏佩虎符權領其衆者七年丙戌帝還
約羅氏攜次子善格特爾格永安及從子托多爾

孫收國勢見帝於河西帝慰勞甚至約囉氏奏瑠
格既死官民乏主其長子色辰扈從有年願以次
子善格代之使歸襲爵帝曰色辰從朕征西域已
積功為巴圖魯不可遣當令善格襲父爵約囉氏
拜且泣曰色辰者前妻所出嫡子宜立善格者婢
子所出若立之是私已而蔑天倫也竊以為不可帝
賢之允其請竝給驛騎遣其季子永安送約囉氏
東歸恩賚有加

瑠格原作留哥約囉國語响箭也
原作姚里善格原作善哥特爾格

蒙古語解見忠節卷原作鐵哥托多爾蒙古語
內也原作塔塔兒收國努原作收國奴色辰聰

明也原作薛

閣今俱譯改

蕭某妻趙氏大寧人年二十夫蕭病劇謂趙曰我
死汝少當奈何趙曰脫有不諱妾不獨生遂命匠
製巨棺夫歿即自縊家人同棺葬焉時大寧夫死
殉節者有趙睢妻安氏陳恭妻張氏武壽妻劉氏
宋敬先妻謝氏稱五烈婦並事聞被旌

李君進妻王氏遼陽人大德八年君進卒將發引

親鄰咸會王氏謂衆曰夫婦同穴義也吾得從良
人逝足矣因撫棺慟哭嘔血升餘死與夫連柩而
葬送者數百人莫不灑泣

趙洙妻許氏集賢大學士許有任姪女也至正十
九年紅巾賊陷遼陽洙為儒學提舉避亂資善寺
以罵賊死許氏不知也賊甘言誘許氏願指示金
銀之處氏大言曰吾詩書冠冕故家不幸遇難但
知守節而已他皆不知也賊以刃脅之色不變已

而知其夫死因痛哭仆地罵不絕口且曰吾母居
武昌死於賊吾女兄弟亦死於賊今吾夫又死使
我得報汝當醢汝矣遂遇害寺僧見氏死狀哀其
貞烈賊退與洙合葬之

李馬兒妻袁氏瑞州人至正二十二年李病沒袁
氏年十九誓不再嫁孝養舅姑有王成者挾勢欲
娶之袁氏曰吾聞烈女不更二夫遂徃夫墓痛哭
繼死樹下

文宗信妾白氏宗信為遼陽行省丞病篤語之曰
汝年方二十我死將奈何白氏應曰妾身草芥賴
夫子以存活萬一不諱妾不獨生宗信死迫殮氏
盡出箱篋分給親戚白氏沐浴別主母自縊以殉
親戚義之與夫同葬

明

高門五節婦劉氏光州固始人夫高希鳳江寧人
戍遼東為亂軍所掠拒而不服軍怒斷其腕劉抱

脫且哭罵不絕口遂被殺希鳳弟藥師努妻李氏
早寡因亂搗子姪避難始終保全後歸江寧守夫
墓誓不再適希鳳季弟已延布哈為讐家所殺妻
郭氏即自縊於馬檻希鳳從子塔寔廷為父讐訟
陷而死妻金氏姑邢氏俱自縊一門五節事聞旌
表藥師努原作藥師奴已延蒙古語解見疆域形勝卷布哈蒙古語解見名宦卷原作伯顏卜花
塔寔廷回語石堆山子也
原作搶失丁令俱譯改

劉智才妻閔氏六安州人智才任大寧翼萬戶卒

閔氏無子撫妻子如已出緣夫屬軍籍戍金州傭
絀供衣食尤能以禮自防事聞旌之

裴貴妻劉氏名志貞建州人三萬衛鎮撫劉呼喇
圖女也幼聰慧授孝經列女傳等書咸成誦年十
六適貴事舅姑以孝聞貴有疾劉潛割股以進弗
效貴謂劉曰吾危矣汝幼善事後人劉泣曰奈何
以犬豕畜妾當誓天効死安用生為遂入隱室自

縊越二日貴始卒有司上其事詔旌之

蒙古語呼
喇圖有雨

之謂原作忽

魯亮今譯改

趙忠妻及女失其姓字忠任廣寧右衛指揮僉事守鎮靜堡正統間敵圍堡忠秉城拒戰有訛言城陷者忠妻女皆自縊事聞賜金為忠妻女營葬旌其門耿秩妻張氏秩戰死平頂山張氏年十九痛欲自盡姑與母勸之曰汝不貳志節也何以捨父母與姑乎張氏遵命守節至四十年詔旌之

藉氏金州軍餘之妻夫死守志四十餘年

金州總旗張俊妻徐氏夫死守節三十餘年

錢海妻許氏夫故守節清白自矢終身如一事聞
旌表

蕭士清妻丁氏金州人奉姑至孝士清疾飲食俱
廢乃祝天願以身代及士清歿丁氏悲痛自縊正
統間旌其門

金州指揮張頊妻朱氏夫死無子朱氏孀居侍姑
孝養備至事聞旌表年八十六而終

賀昇妻楊氏名妙真浙江鄞縣人隨父原道戍廣
寧妙真年十八適廣寧後屯衛總旗賀昇事舅姑
以孝聞昇隨征歿於山海關氏往扶柩歸葬子祥
甫三歲撫育成立孀居四十九年成化間旌表
高原昌妻張氏遼陽人原昌素疾娶未逾月病篤
母慰氏曰善視湯藥莫辭勞苦汝年少無出自有
名門擇配氏泣曰夫死不嫁禮也何出此言原昌
卒氏哭累日自縊事聞旌表

邵倫妻張氏遼陽人倫故張氏自縊與夫同葬焉
劉晏妻朱氏義州人夫死寡居弘治間遇亂軍將
驅之行朱氏誓死仆地賊怒刃其吭而死

陸淳妻鄧氏開原人淳死鄧氏年十九哀毀不食
殮畢自縊葬之日無不隕涕

董欽妻劉氏遼陽人夫故劉氏撫屍痛哭自縊死
巫氏潘陽衛農家婦正德十年五月夫在田耕耘
氏獨行饋餉遇強暴持刀挾氏欲污之氏堅執不

從遂為所殺死後手中猶握血漬破衣一片巡撫
立碑表其墓

生員侯爵妻汪氏廣寧人中屯衛總旗汪勝女年
十八歸爵夫死家甚貧汪氏賣奩以供殯葬翁姑
相繼卒復經營喪葬如禮守節終身正德間旌其
門

王清妻曹氏廣寧人清病卒遺腹六月生男父母
欲奪其志曹氏以死自誓親黨憚之不敢言卒撫

孤成立家業復興

熊宗義妻鄔氏宗義為廣寧中屯衛軍餘嘉靖四年敵侵雙堡宗義被殺挾氏上馬自墜於地者再三併殺之

莊大全妻白氏義州衛人年十八適大全生子未一歲大全死求娶者甚多氏度不能免遂自縊與夫同葬

生員徐文中妻王氏定遼後衛人嘉靖中為寇所

執強挾上馬屢投地大罵不從遂斷其手斫身數
刃而去氏一息尚存見文中曰我名節無玷死無
憾矣遂瞑目

蔡遇春妻陳氏瀋陽人遇春死即欲自縊以殉以
年饑未葬子幼無依而止越三年卜葬抱子痛哭
先一日縊死竟與夫合葬

鄭貞女廣寧人指揮鄭雄之女幼敏慧勤女紅年
及笄納遼陽孫棣聘未幾棣故女聞訃縞素哭奠

誓不更適練衣杜門至親罕見其面既三年父母以棣未奠雁將受他聘女聞而流涕輒不食終日父母知不可奪遂成其志年未及老容瘁齒落卒之前一日羣鶴飛翔屋上嘉靖十八年旌其門顧澄妻楊氏鐵嶺人澄故遺腹三月產一男楊氏誓不貳適甘貧撫孤卒年七十九

李通妻程氏海城人通為海州衛千戶生子芳甫三歲通卒程氏甘貧守節育芳成立襲通千戶之

職後戍邊戰死芳妻陳氏年尚幼守志事姑通弟
正與文皆早亡正妻宋氏文妻陳氏俱守志不移一
門四節芳垂彤管

高琰妻潘氏蓋州人琰故無子潘年十九以紡織
自養守節三十五年嘉靖間旌表

趙漂妻于氏三萬衛人年二十餘漂故于氏自縊
觀旁

高鳳妻蘇氏高龍妻羅氏妯娌也鳳戍開原病故

蘇氏扶視歸葬撫教二子守節五十四載卒年八十有三鳳弟龍娶羅氏龍故遺腹四月生一男羅氏守志撫孤人稱一門雙節

韓連妻呂氏遼陽人夫有疾呂氏知不起遂先夫自縊兩柩同葬

王福妻臧氏廣寧人夫卒臧氏守節自誓事姑高氏以孝聞居數載邑人聞其賢欲娶之知氏不可奪乃謀氏兄私納其聘臧氏向姑泣曰妾以姑缺

養故未忍與夫同死今不得侍姑矣夜遂自縊

一統

志作蓋
平衛人

馬汝麟妻寧氏遼陽人夫故寧氏痛哭自縊

臧鉞妻孫氏廣寧人夫死教子臧仲學舉於鄉守
節二十五年官表其閭

指揮朱國楨妻劉氏寧遠中前所人楨官指揮性
至孝以父沒哀毀死時劉氏尚少守志撫孤卒至
成立年逾八旬而神明不衰一門節孝並著


周遇吉妻劉氏錦州衛人遇吉任山西總兵時流賊李自成犯寧武闕城破遇吉力戰死劉氏素勇健聞難率婦女數十人據山巔公廨登屋射賊殺賊無算賊不敢逼縱火焚之闕家遇害

按周遇吉已詳見本

志忠節

謹按舊志列女首列孟姜及趙苞母孟姜苞母俱非遼東人不應載入是以志內斷自唐始至若金之完顏諸族以節烈稱者彰彰可攷舊志

以金後南徙汴梁概從刪汰未免闕畧茲備錄
於卷



欽定盛京通志卷九十三